

3238

sgm

ՓՐԿՈՒԹԵԱՆ

ՃԱՄԲԱՆ

21

Կ - 91

21

4-91

98

ՓՐԿՈՒԹԵԱՆ

ՃԱՄԲԱՆ



Scripture Gift Mission
ECCLESTON STREET, LONDON, SW1W 9LZ
Printed in Great Britain

28 AUG 2013

3238

Աստուծոյ խօսքը կենդանի է ու
զօրեղ, եւ ամէն երկսայրի սուրէ
կտրուկ: Եբր. Գ. 12

Իմ խօսքս . . . ինձի պարապ սլի-
տի չդառնայ, հապա իմ կամքս
սլիտի կատարէ ու յաջողու-
թեամբ ի գործ դնէ այն բանը,
որու համար զանիկա ղրկեցի:
Եսայ. ԾԵ. 11

Քու խօսքերուդ յայսմուիլը լոյս
կուտայ: Սաղմ. ձԺԹ. 130

«Բոլոր Գիրքը Աստուծոյ շունչն է»:

Աւխարհի ստեղծագործութիւնը

Սկիզբէն Աստուած երկինքն ու եր-
կիրը ստեղծեց: Ծննդ. Ա 1

Ամէն բան Անով (Բանով) եղաւ, եւ
առանց Անոր բան մը չեղաւ՝ ինչ որ
եղաւ: Յովհ. Ա 3

Մարդուն ստեղծուիլը

Աստուած իր պատկերովը ստեղծեց
մարդը, Աստուծոյ պատկերովը ստեղ-
ծեց զանիկա. արու եւ էգ ստեղծեց
զանոնք: Ծննդ. Ա 27

Տէր Աստուած գետնին հողէն շինեց
մարդը, եւ անոր ոնգունքներուն կեն-
դանութեան շունչ փչեց ու մարդը
կենդանի հոգի եղաւ: Եւ Տէր Աստ-
ուած արեւելքին կողմը Եդեմի մէջ
պարտէզ տնկեց ու իր շինած մարդը
հոն դրաւ: Ծննդ. Բ. 7. 8

887-2000

Տէր Աստուած առաւ մարդը, ու Ե-
դեմի պարտէզին մէջ դրաւ, որպէս զի
զանիկա գործէ ու պահէ: Եւ Տէր
Աստուած պատուիրեց մարդուն՝ ըսե-
լով, պարտէզին ամէն ծառէն համար-
ձակ կեր. բայց բարւոյ ու չարի գի-
տութեան ծառէն մի ուտեր. քանզի
այն օրը որ անկէ ուտես, անշուշտ
պիտի մեռնիս: Ծննդ. Բ. 15-17

Մեղքին ծագումը

Տէր Աստուծոյ ըրած դաշտի բոլոր դա-
զաններէն աւելի խորամանկ էր օձը.
ու կնոջ ըսաւ, իրաւ Աստուած ըսա՞ւ
թէ պարտէզին ամէն ծառէն պիտի
չուտէք: Եւ կինը օձին ըսաւ, պարտէ-
զին ծառերուն պտուղէն կ'ուտենք.
բայց պարտէզին մէջտեղը եղած ծա-
ռին պտուղէն Աստուած ըսաւ, անկէ
մի ուտէք եւ անոր մի դպչիք, որպէս

զի չմեռնիք: Եւ օձը կնոջ ըսաւ, ոչ
թէ անշուշտ պիտի մեռնիք, քանզի
Աստուած գիտէ թէ այն օրը որ ան-
կէ ուտէք, աչքերնիդ պիտի բացուին,
եւ աստուածներու պէս պիտի ըլլաք՝
բարին ու չարը գիտնալով: Եւ կինը
տեսնելով որ ծառը աղէկ էր կերա-
կուրի համար, եւ հաճելի՝ աչքերուն,
ու փափաքելի՝ իմաստուն ընելու հա-
մար, առաւ անոր պտուղէն ու կերաւ,
եւ իրեն հետ իր էրկանն ալ տուաւ, եւ
անիկա կերաւ: Ծննդ. Գ. 1-7

Տէր Աստուած ըսաւ կնոջ, ի՞նչ է այս
քու ըրածդ. եւ կինը ըսաւ, օձը զիս
խաբեց, ու ես կերայ: Եւ Տէր Աստուած
օձին ըսաւ, զայս ընելուդ համար՝ ա-
մէն անասուններէն եւ դաշտի ամէն
զազաններէն անիծեալ ըլլաս, փորիդ
վրայ քալես, ու կեանքիդ բոլոր օրե-

ըը հող ուտես եւ քուկին ու կնոջ մէջտեղ, եւ քու սերունդիդ ու անոր սերունդին մէջտեղ թշնամութիւն պիտի դնեմ. Ան քու գլուխդ պիտի ջախջախէ, եւ դուն Անոր դարշապարը պիտի խայթես: Եւ կնոջ ըսաւ, քու յղութեանդ ցաւերը խիստ պիտի շատցնեմ. ցաւով զաւակ ծնանիս, ու էրկանդ հնազանդ ըլլաս, ու անիկա քու վրադ իշխէ: Եւ Ադամի ըսաւ, որովհետեւ դուն քու կնոջդ խօսքը մտիկ ըրիր, եւ այն ծառէն կերար, որու համար պատուիրեցի քեզի ըսելով, չուտես անկէ. երկիր քու պատճառաւդ անիծեալ ըլլայ կեանքիդ բոլոր օրերուն մէջ նեղութիւնով ուտես անկէ. եւ փուշ ու տատասկ բուսցնէ քեզի, եւ զաշտին խոտը ուտես: Երեսիդ քրտինքովը ուտես քու հացդ, մինչեւ գետինը դառնալդ, ուրկէ առնուեցար.

քանզի հող էիր դուն ու հողի պիտի դառնաս: Ծննդ. Գ. 13-19

Եւ վար ձգուեցաւ մեծ վիշապը, այն առաջուան օձը, որ Բանսարկու ու Սատանա կ'ըսուի: Գայտ. ԺԲ. 9

Վասնզի ինչպէս մարդէ մը մեղքը աշխարհ մտաւ, եւ այն մեղքէն մահը, եւ այնպէս ամէն մարդոց վրայ տարածուեցաւ մահը, քանզի ամէնը մեղանչեցին: Հռով. Ե. 12

Աստուծոյ հանդէպ մարդուն յանցապարտութիւնը

Ամէնս ոչխարներու պէս մոլորեցանք. ամէն մէկս իր ճամբան դարձաւ: Եսայ. ԽԳ. 6

Տէրը երկինքէն նայեցաւ յարդոց որդիներուն վրայ. որպէսզի տեսնէ թէ կա՞յ արդեօք իմաստուն մէկը որ զԱստ-

ուած փնտռէ: Ամէնը խոտորեցան.
մէկտեղ անպիտան եղան: Սաղ. ԺԿ. 2, 3

Արդար մը չկայ, եւ ոչ մէկ: Խաղա-
ղութեան ճամբան չճանչցան: Աստու-
ծոյ վախը չկայ անոնց աչքերուն առ-
ջեւ: Ամէնը մեղք գործեցին եւ Աստու-
ծոյ փառքէն պակսած են

Հռով. Գ. 10, 17, 18, 23

Գիրքը ամէնը մեղքի տակ գոցեց:
Գաղ. Գ. 22

Աստուծոյ սէրը մարդոց հանդէպ

Աստուած անանկ սիրեց աշխարհը մին-
չեւ իր Միածին Որդին տուաւ, որպէս-
զի ամէն ով որ Անոր հաւատայ՝ չկոր-
սըւի, հապա յաւիտենական կեանք
ունենայ: Յովհ. Գ. 46

Աստուծոյ սէրը մեր վրայ յայտնի ե-
ղաւ, որ Աստուած իր Միածին Որ-
դին աշխարհ ղրկեց, որպէսզի Անոր

միջոցով ապրինք: Այս բանին մէջ է
սէրը, որ ոչ թէ մենք սիրեցինք զԱստ-
ուած, հապա որ Անիկա մեզ սիրեց,
ու իր Որդին ղրկեց մեր մեղքերուն
քաւութիւն ըլլալու: Ա. Յովհ. Գ. 9, 10

Աստուծոյ Որդւոյն աւխարհ

գալը

Այս խօսքը հաւատարիմ է ու բոլո-
րովին ընդունելութեան արժանի, որ
Քրիստոս Յիսուս աշխարհ եկաւ մեղա-
ւորները փրկելու: Ա. Տիմ. Ա. 15

Յիսուս Քրիստոս . . . կերպարանքովը
մարդու պէս գտնուելով ինքզինք խո-
նարհեցուց: Փիլիպ. Բ. 7, 8

Բանը . . . աշխարհի մէջ էր, աշխարհ
Անով եղաւ ու աշխարհ զԱնիկա
չճանչցաւ: Յովհ. Ա. 1, 10

Անոր ծնունդը

Յիսուս Գրիստոսի ծնունդը այս կերպով էր . . . եւ այս ամէնը եղաւ որպէսզի կատարուի Տէրոջմէն ըսուածը մարգարէին ձեռքով որ կ'ըսէ, ահա կոյսը պիտի յղանայ ու Որդի պիտի ծնանի, եւ Անոր անունը էմմանուէլ պիտի կոչեն, որ կը թարգմանուի Աստուած մեզի հետ:

Մատթ. Ա. 18. 22, 23

Անոր անունը Յիսուս զնես, քանզի Անիկա իր ժողովուրդը իրենց մեղքերէն պիտի փրկէ:

Մատթ. Ա. 21

Անոր երկրաւոր կեանքը

Յիսուսը որ Նազարէթէ էր, զոր Աստուած օծեց Սուրբ Հոգիով եւ զօրութիւնով, որ պտրտեցաւ բարիք ընելով եւ Սատանայէ բոլոր տանջուածները բժշկելով:

Գործ Ժ 38

Յիսուս կը պտրտէր բոլոր քաղաքները ու գեղերը եւ անոնց ժողովաւաններուն մէջ կը սորվեցնէր ու կը քարոզէր արքայութեան աւետարանը եւ կը բժշկէր բոլոր ախտերը ու բոլոր հիւանդութիւնները ժողովուրդին մէջ:

Մատթ. Թ. 35

Շատ ժողովուրդներ իրեն եկան, որոնք իրենց հետ ունէին կաղեր, կոյրեր, հաշմանդամներ եւ ուրիշ շատեր, ու ձգեցին զանոնք Յիսուսի ոտքը, եւ բժշկեց զանոնք:

Մատթ. ԺԵ. 30

Անոր քաղաքացիական

Որդին մարդոյ պէտք է որ մեղաւոր մարդոց ձեռքը մատնուի ու խաչը ելլէ:

Ղուկ. ԻԳ. 7

Երբ Գազաթ ըսուած տեղը գացին, հոն խաչը հանեցին զԱնիկա, եւ Յիսուս ըսաւ, Հայր, թողութիւն տուր ատոնց, վասնզի չեն գիտեր ի՞նչ կ'ընեն:

Ղուկ. ԻԳ. 33, 34

Անիկա մարդոցմէ անարգուեցաւ ու
 երեսէ ձգուեցաւ, վիշտերու տէր ու
 ցաւերու տեղեակ եղաւ: Իրաւցնէ Ա-
 նիկա մեր ցաւերը վերցուց ու մեր
 վիշտերը իր վրայ առաւ, եւ մենք
 զԱնիկա վիրաւորուած, Աստուծմէ
 զարնուած ու չարիքի հանդիպած
 սեպեցինք: Բայց Անիկա մեր մեղքե-
 րուն համար վիրաւորուեցաւ, եւ մեր
 անօրէնութիւններուն համար ծեծուե-
 ցաւ... Անոր վէրքերովը մենք բը-
 ժշկուեցանք: Ամէնս ոչխարներու պէս
 մոլորեցանք: ամէն մէկս իր ճամբան
 դարձաւ, եւ Տէրը մեր ամենուն անօ-
 րէնութիւնը Անոր վրայ դրաւ: Անի-
 կա իմ ժողովուրդիս յանցանքին հա-
 մար զարնուեցաւ, եւ Անոր գերեզմանը
 ամբարիշտներուն հետ դրուեցաւ, բայց
 երբ մեռաւ, հարուստին հետ եղաւ.
 քանզի Անիկա անօրէնութիւն մը չը

գործեց, ու Անոր բերնին մէջ նենգու-
 թիւն մը չգտնուեցաւ: Քանզի իր ան-
 ձը մահուան մատնեց, ու յանցաւորնե-
 րուն հետ սեպուեցաւ, եւ շատերուն
 մեղքը վերցուց, ու յանցաւորներուն
 համար միջնորդութիւն ըրաւ:

Եսայ. ԾԴ. 3-6, 8, 9, 12

Քրիստոս մեր մեղքերուն համար մե-
 ռաւ, գիրքերուն ըսածին համեմատ:

Ա. Կոր. ԺԵ. 3

Յիսուս նորէն ըսաւ անոնց... Ես եմ
 բարի հովիւը, բարի հովիւը իր կեան-
 քը ոչխարներուն համար կը դնէ...
 ուրիշ ոչխարներ ալ ունիմ որոնք այս
 բակէն չեն, զանոնք ալ պէտք է որ բե-
 րեմ, ու իմ ձայնիս պիտի լսեն, եւ
 եւ պիտի ըլլան մէկ հօտ ու մէկ հովիւ:

Յովհ. Ժ. 7, 11, 16

Անոր յարութիւնն ու երկինք

համբառնալը

Այսպէս գրուած է, եւ այսպէս պէտք է
Քրիստոսի չարչարուիլ, ու երբորդ օրը
մեռելներէն յարութիւն առնել. Եւ Անոր
անուանովը մեղքերու թողութիւն քա-
րողուիլ բոլոր ազգերուն: Ղուկ ԻԳ 40-47
Աստուած զԱնիկա երբորդ օրը յա-
րուց, եւ յայտնի ըրաւ զԱնիկա: Ոչ թէ
բոլոր ժողովուրդին, հապա մեզի, ա-
ռաջուրնէ Աստուծմէ վկայ ըլլալու ըն-
տրրուածներուս: Գործ Ժ. 40, 41

Ինքզինք ցուցուց կենդանի Իր չարչա-
րանքներէն ետեւ շատ ապացոյցներով.
քառասուն օրուան մէջ անոնց երեւնա-
լով ու Աստուծոյ թագաւորութեանը
վրայ խօսելով . . . ու մինչ անոնք կը
նայէին, համբարձաւ, եւ ամպ մը զԱ-
նիկա անոնց աչքերէն առաւ:

Գործ Ա. 3, 9

Աստուած մարմինով յայտնուեցաւ, Հո-
գիով արդարացաւ, հրեշտակներուն ե-
րեւցաւ, հեթանոսներուն մէջ քարոզ-
ուեցաւ, աշխարհի մէջ հաւտացուեցաւ,
ու փառքով համբարձաւ: Ա. Տիմ. Գ 16

Քրիստոս մեռելներէն յարութիւն առած
է. ննջեցեալներուն առաջին պտուղը:
Քանզի որովհետեւ մարդով եղաւ մա-
հր, մարդով ալ մեռելներու յարութիւնը
վասնզի ինչպէս Ադամով ամէնը կը
մեռնին, նոյնպէս Քրիստոսով ամէնը
կենդանի պիտի ըլլան: Ա. Կոր ԺԵ. 20-22

Աստուծոյ փրկութեան նամբան

Ինծի ի՞նչ պէտք է ընել որ փրկուիմ:
Հաւատա Տէր Յիսուս Քրիստոսի եւ
պիտի փրկուիս: Գործ. ԺԶ 30-31

Ապաշխարեցէք ու դարձի եկէք, որ-
պէսզի մեղքերնիդ ջնջուի: Դուրծ Գ 19

Ապաշխարեցէք ու ձեզմէ ամէն մէկը
թող մկրտուի Յիսուս Քրիստոսի անու-
նովը մեղքերու թողութեան համար, եւ
Հոգւոյն Սրբոյ պարգեւը պիտի ընդու-
նիք: Գործ. Բ. 38

Եթէ խոստովանինք մեղքերնիս. հա-
ւատարիմ ու արդար է Անիկա մեր
մեղքերուն⁶ թողութիւն տալու, եւ մեզ
բոլոր անիրաւութենէ սրբելու:
Ա. Յովհ. Ա. 9

Եթէ քու բերնովդ Յիսուսը Տէր խոս-
տովանիս ու սրտիդ մէջ հաւատաս թէ
Աստուած զԱնիկա մեռելներէն յա-
րուց, պիտի փրկուիս. վասնզի սրտով
կը հաւատայ մէկը արդարանալու, եւ
բերնով կը խոստովանի փրկուելու:
Հռով. Ժ. 9, 10

Շնորհքով փրկուած էք զուք հաւատ-
քի միջոցով. եւ այս ոչ թէ ձեզմէ է,
հապա Աստուծոյ պարգեւն է, ոչ թէ
զործերէն, որ մէկը չպարծի:
Եփես. Բ. 8, 9

Քանզի ով որ Տէրոջը անունը կան-
չէ, պիտի փրկուի: Հռով. Ժ. 13

Ան որ Ինծի կուգայ, բնաւ դուրս
պիտի չհանեմ: Յովհ. Զ. 37

Այս է յաւիտենական կեանքը, որ
ճանչնան Քեզ միմիայն ճշմարիտ Աստ-
ուածդ, ու Յիսուս Քրիստոսը զոր
Դուն ղրկեցիր: Յովհ. Ժէ. 3

Անոր արեամբ եղած

փրկութիւնը

Հիմա Քրիստոս Յիսուսով զուք որ ա-
տեն մը հեռաւոր էիք, մերձաւոր ե-
ղաք Քրիստոսի արիւնովք:

Եփես. Բ. 13

Յիսուս Քրիստոսի արիւնը մեզ ամէն
մեղքէ կը սրբէ: Ա. Յովհ Ա. 7



Հայրը հաճեցաւ որ Աստուածութեան
բոլոր լեցունութիւնը Անոր մէջ բընա-
կի, եւ Անով ամէնը հաշտեցնէ իրեն
հետ, խաղաղութիւն ընելով Անոր խա-
չին վրայ թափած արիւնովը:

Կողո. Ա. 19, 20

Գիտնալով որ դուք ոչ թէ ապակա-
նացու արծաթով կամ ոսկիով փրկ-
կըւեցաք . . . հապա Քրիստոսի պատ-
ուական արիւնովը:

Ա. Պետ. Ա. 18, 19

Որով փրկութիւն ունինք մենք իր
արեանը միջոցով, մեղքի թողութիւնը՝
իւր շնորհքին ճոխութեան չափովը:

Եփես. Ա. 7

Քանզի հոգիին համար քաւութիւն
ընողը արիւնն է:

Ղեւտ. Ժ. 11

Եթէ մէկը Քրիստոսի մէջ է, անիկա
նոր ստեղծուած մըն է. հիները անցան
եւ ահա ամէն բան նոր եղաւ:

Բ. Կորն. Ե. 17

Սուրբ Հոգին

Ես ալ Հօրը պիտի աղաչեմ, եւ ուրիշ
Մխիթարիչ մը պիտի տայ ձեզի, որ-
պէսզի յաւիտեան ձեզի հետ բնակի.
Ճշմարտութեան Հոգին, զոր այս աշ-
խարհը չկրնար ընդունիլ, վասն զի
չտեսներ զԱնիկա, ու չճանչնար զԱ-
նիկա, բայց դուք կը ճանչնաք զԱ-
նիկա, վասնզի ձեր քով կը բնակի եւ
ձեր մէջ պիտի ըլլայ: Յովհ. ԺԴ. 16, 17

Մխիթարիչը, Սուրբ Հոգին, զոր Հայրը
իմ անուանովս պիտի ղրկէ, Անիկա ձե-
զի բոլորը պիտի սորվեցնէ:

Յովհ. ԺԴ. 26

Աստուծոյ Սուրբ Հոգին մի տրամեց-
նէք, որով դուք կնքուեցաք փրկու-
թեան օրուանը համար:

Եփես. Գ. 30

Հոգիով գացէք, ու մարմինն ցան
կութիւնը պիտի չկատարէք:

Գաղ. Ե 16

Որոնք որ Աստուծոյ Հոգիովը կ'առաջ
նորդուին, անոնք Աստուծոյ որդիներն
են:

Հռով. Ը 14

Հոգիով լիցուեցէք:

Եփես Ե. 18

Հոգիին պտուղը այս է, սէր, խնդու-
թիւն, խաղաղութիւն, երկայնմտու-
թիւն, քաղցրութիւն, բարութիւն, հա-
ւատարմութիւն, հեզութիւն, ժուժ-
կալութիւն. այսպիսի բաներու դէմ
օրէնք չկայ:

Գաղտ. Ե. 22, 23

Սրբութիւնը

Աստուծոյ կամքը այս է, այսինքն՝ ձեր
սուրբ ըլլալը:

Ա. Թիմ. Գ. 3

Սրբէ զանոնք Բու ճշմարտութիւնովդ,
Քու խօսքդ ճշմարտութիւն է:

Յովհ. Ժէ. 17

Ան որ կը սրբէ ու ան որ կը սրբը-
ւի, ամէնն ալ մէկէ են. անոր հա-
մար ինք ամօթ չսեպեր եղբայր կոչել
զանոնք:

Եբր. Բ. 11

Դուք ձեր անձերը մեղքի մեռած սե-
պեցէք, բայց Աստուծոյ կենդանի, մեր
Տէրոջը Քրիստոս Յիսուսի ձեռքով:

Հռով. Զ. 11

Բայց հիմա մեղքէ ազատուած, Աս-
տուծոյ ծառաներ եղած, ձեր պտու-
ղը ունիք սրբութիւնով, ու չ'երջը յա-

Լիտենական կեանք: շոով. Զ. 22

Եւ ինք խաղաղութեամբ Աստուածը
ձեզ բոլորովին սուրբ ընէ. եւ ձեր
բոլոր հոգին եւ շունչը ու մարմինը
անարատ պահուի մինչեւ մեր Տէր
Յիսուս Քրիստոսի գալու ատենը:
Հաւատարիմ է Ան որ ձեզ կանչեց
ու պիտի կատարէ այլ՝ Ա. ԹԵՍ Ե. 23, 24

Աղօթք

Իմ անունովս ինչ որ խնդրէք պիտի
կատարեմ զանիկա, որպէսզի Հայրը
Որդիովր փառաւորուի. եթէ իմ անու-
նովս բան մը խնդրէք, զանիկա պիտի
կատարեմ: Յովհ. Եր. 13, 14

Եթէ դուք իմ մէջս կենաք, եւ իմ խօս-
քերս ձեր մէջ կենան, ինչ որ ուզէք
պիտի խնդրէք, ու պիտի ըլլայ ձեզի:
Յովհ. ԺԵ. 7

Խնդրեցէք ու պիտի առնէք, որպէս զի
ձեր ուրախութիւնը լման ըլլայ:

Յովհ. ԺԶ. 24

Ինչ բան որ աղօթքով կը խնդրէք, հա-
ւատացէք թէ պիտի առնէք ու պիտի
ըլլայ ձեզի: Մարկ. ԺԱ. 24

Ամէն աղօթքով ու խնդրուածքով, ա-
մէն ատեն աղօթք ըրէք հոգիով, ու
այս բանին վրայ հսկեցէք կատարեալ
յարատեւութեամբ ու ազանքով բո-
լոր սուրբերուն համար: ԵՓԵՍ. Զ 18

Անդադար աղօթք ըրէք: Ա. ԹԵՍ Ե 17

Տառապանքի ծառայութիւնը

Յիսուս իր աշակերտներուն ըսաւ, եթէ
մէկը իմ ետեւէս գալ կ'ուզէ, թող իր
անձը ուրանայ եւ իր խաչը վերցնէ
ու իմ ետեւէս գայ: Մատթ ԺԶ 24

Աստուած կարող է բոլոր շնորհքները
ձեզի առատօրէն տալ. որպէսզի ամէն
բանի մէջ ամէն ատեն բոլոր ձեզի
պէտք եղածը ունենալով ամէն բարի
գործերով առատանաք:

Բ. Կոր. Թ. 8

Հաստատ եղէք. անշարժ կեցէք եւ
ամէն ատեն աւելցէք Տէրոջը գործին
մէջ. գիտնալով որ ձեր աշխատութիւ-
նը պարապ չէ Տէրոյմով:

Ա. Կոր. ԺԵ. 58

Ձեզի տրուեցաւ Քրիստոսի համար
ոչ թէ միայն Անոր հաւատալ. հա-
պա Անոր համար չարչարուիլ ալ:

Փիլիպ. Ա. 29

Եթէ արդարութեան համար չարչար-
ուիք. երանելի էք. եւ անոնց ահէն
մի վախնաք ու մի շփոթիք:

Ա. Պետ. Գ. 14

Եթէ Քրիստոսի անուանը համար նա-
խատուիք. երանելի էք. վասնզի փա-
ռաց եւ Աստուծոյ Հոգին ձեր վրայ
հանգչած է:

Ա. Պետ. Գ. 14

Աստուած կուսպագտութիւնը

արգիլած է

Ես եմ Եհովա քու Աստուածդ ինծ.
մէ զատ ուրիշ աստուածներ չունե-
նաս. դուն քեզի կուռք չշինես ոչ ալ
վերջ երկինքի մէջ կամ վարջ երկրի
վրայ: Անոնց երկրպագութիւն չընես
ու գանոնք չպաշտես. վասնզի Ես
քու Տէր Աստուածդ նախանձոտ Աստ-
ուած եմ:

Ելից Ի. 2-5

Ազգերուն բոլոր աստուածները կուռ-
քեր են. բայց Եհովա երկինքը ստեղ-
ծեց:

Սաղմ. ՂԶ. 5

Գիտենք որ կողոքը ոչինչ է աշխարհի մէջ, եւ որ մէկէն զատ ուրիշ Աստուած մը չկայ:

Ա. Կոր. Ը. 4

Մենք մէկ Աստուած ունինք. Հայրը. որմէ են ամէն բաները, եւ մենք ալ Անով. ու մէկ Տէր Յիսուս Քրիստոս որմէ են ամէն բաները, ու մենք ալ Անով:

Ա. Կոր. Ը. 6

Յիսուս ըսաւ անոր, ետիս գնա՝ Սատանա, վասնզի զրուած է թէ քու Տէր Աստուծոյդ երկրպագութիւն ընես ու միայն զԱնիկա պաշտես:

Մատթ. Գ. 10

Ձեր երկրաւոր անդամները սպաննեցէք. պոռնկութիւնը, պղծութիւնը, անսանձ կիրքը, չար ցանկութիւնը եւ ազահութիւնը որ կռապաշտութիւն է որոնց համար Աստուծոյ բարկութիւնը

անհնազանդութեան որդիներուն վրայ կուգայ:

Կով. Գ. 5, 6

Աստուծոյ փրկութիւնը զանցառելու վսանգը

Մենք ինչպէ՞ս պիտի ազատինք եթէ անհոգ ըլլանք այսպիսի մեծ փրկութենէ մը:

Եբր. Բ. 3

Ան որ Որդւոյն կը հաւատայ յաւիտենական կեանք ունի, ան որ Որդւոյն չհնազանդիր, անիկա կեանք պիտի չտեսնէ, հապա Աստուծոյ բարկութիւնը անոր վրայ կը մնայ:

Յովհ. Գ. 36

Ո՞վ իմացուց ձեզի գալու բարկութենէն փախչիլ:

Ղուկ. Գ. 7

Ան որ կը յաղթէ, ամէն բաները պիտի ժառանգէ, ու ես անոր Աստուած պիտի ըլլամ, ան ալ ինծի որդի պիտի ըլլայ, բայց վախկոտներուն ու անհաւատներուն եւ պիղծերուն ու մար-

դասպաններուն; ու պոռնիկներուն, եւ
կախարդներուն, ու կոպաշտներուն,
եւ բոլոր ստախօսներուն բաժինը կը-
րակով ու ծծումբով վառած լիճին մէջ
պիտի ըլլայ, որ է երկրորդ մահը:

Յայտ. ԻԱ. 7, 8

Չարիքէն եւ Սատանայէն ազատում

Խաղաղութեան Աստուածը խորտակէ
Սատանան շուտով ձեր ոտքերուն տակ:
Հռով. ԺԶ. 20

Գոհանալով Հօր Աստուծոյ . . . որ մեզ
անգտեց խաւարին իշխանութենէն, ու
իւր սիրելի Որդւոյն Թազաւորութեանը
փոխադրեց:

Կողս. Ա. 12, 13

Աստուծոյ Որդին յայտնուեցաւ որ Սա-
տանայի գործերը քակէ:

Ա. Յովհ. Գ. 8

Մեր Տէր Յիսուս Քրիստոս . . . Իր ան-
ձը տուաւ մեր մեղքերուն համար, որ-
պէսզի մեզ փրկէ հիմակուան չար աշ-
խարհէն Աստուծոյ ու Հօրը կամքին
համեմատ, որու փառք յաւիտեանս
յաւիտենից:

Գաղտ. Ա. 3-5

Ձեր վրայ հագէք Աստուծոյ սպառա-
զինութիւնը. որպէսզի կարող ըլլաք
Սատանայի հնարքներուն դէմ դնել:
Եփես. Զ. 11

Գոհութիւն Աստուծոյ որ մեզի յաղ-
թութիւն կուտայ Յիսուս Քրիստոսի
ձեռքով:

Ա. Կորն. ԺԵ. 57

Տէր Յիսուս Քրիստոսի

Երկրորդ գալուստը

Նորէն կուգամ եւ ձեզ քովս կառնեմ,
որպէսզի ուր ես եմ դուք ալ հոն ըլլաք:
Յովհ. ԺԳ. 3

Այս Յիսուսը որ ձեզմէ երկինք համ-
բարձաւ, այսպէս պիտի գայ, ինչպէս

տեսաք Ասոր երկինք երթալը:

Գործ. Ա. 11

Տէրը ինք ազդարարութեան հրամանով,
հրեշտակապետին ձայնովը, ու Աստու-
ծոյ փողովը երկինքէն պիտի իջնէ, եւ
Քրիստոսով մեռածները առաջ յարու-
թիւն պիտի առնեն: Ետքը մենք ալ որ
ողջ մնացած ենք, անոնցմով մէկտեղ
պիտի յափշտակուինք Տէրոջը առջեւ
ելլելու օդին մէջ, եւ այնպէս յաւիտ-
եան Տէրոջը հետ պիտի ըլլանք:

Ա. Թես. Գ. 15, 16

Երբ Անիկա յայտնուի Անոր պէս պի-
տի ըլլանք, վասնզի զԱնիկա պիտի
տեսնենք՝ ինչպէս որ է:

Ա. ցովհ. Գ. 2

Ուրեմն արթուն կեցէք, վասնզի չէք
զիտեր թէ ո՛ր Ժամուն ձեր Տէրը կու-
գայ . . . զուրկ ալ պատրաստ կեցէք.

քանզի Որդին մարդոյ կուգայ այնպիսի
ժամու մէջ որ զուրկ չէք կարծեր:

Մատթ. ԻԳ. 42, 44

Ահա Ես շուտով կուգամ, եւ իմ վարձքս
իսկի հետ է ամէն մէկուն իր գործին
համեմատ հատուցանելու:

Յայտ. ԻԲ. 12

Ամէն, եկուր, Տէր Յիսուս:

Յայտ. ԻԲ. 20

ՀՀ Ազգային գրադարան



NL0156179

